

破邪論

下

四百七十三
既二

51341



元祿九年丙子二月日重修

皇圖聖固 帝階級昌

佛日增輝 懋輪常轉

山城州天安寺法金剛院置



破邪論卷下

琳法師撰

弈云僧尼六十已下簡使作民則兵強人衆
弈云寺多僧衆損費爲甚但是寺舍請給孤
老貧民無宅義士三万户州唯置一寺草堂
土塔以安經像遣胡僧二人傳示胡法弈云
西域胡者惡泥而生便事泥瓦今猶毛臊人
面而獸心土梟道人驢騾四色貪逆之惡
種佛生西方非中國之正俗蓋妖魅之邪氣
也弈云庖犧已下二十九代父子君臣立忠
立孝守道履德生長神州得華夏正氣人皆
淳朴以世無佛故也弈云秦起秦仲三十五



藏板

既

世六百三十八年弈云帝王無佛則大治年
長有佛則虐政祚短自庖犧已下二十九代而
無佛法君明臣忠國祚長久弈云未有佛法
前人民淳朴世無篡逆弈云佛來漢地有損
無益入家破家入國破國弈云趙建武時有
道人張光反梁武時僧光反況今僧尼二十
萬衆早須廢省弈云自開闢已來至今武德
四年辛酉積二百七十六萬一千一百八載
父子君臣立忠立孝弈云請胡佛邪教退還
西域凡是僧尼悉令歸俗 一荅廢省僧尼
事者對曰夫形迹易察而真偽難明自非久
處未可知矣昔遠法師荅桓玄書云經教所

述凡有三科一者禪思入微二者諷味遺典
三者興建福業然有興福之人不存禁戒而
迹非阿練者或有多誦經文諷詠不絕而不
能暢說義理者或有年已宿長雖無三科可
紀而體性真正不犯大罪者以此校量取捨
難辨按出家功德經云度一人出家勝起寶

自
石牙言卷一

塔至于梵天何者人能弘道自利利他潔己
立身住持三寶津梁七世資益國家請有罪
者依法苦治無過者爲國行道 一塔毀寺
給民草堂安像者對曰法流漢地五百餘年
寺舍僧尼積代來有龕塔堂殿皆是先代興
營房宇門廊都由信心起造或爲存歿二親

及經生七世求將來勝報種見存福田咸出
彼好心非佛僧課造書云成功不毀故子產
不毀伯夷之廟夫子謂之仁人況佛為三世
良田四生父母唯可供養不可毀除佛雖去
世法付人王伏惟陛下再造生氏重興佛
道即是如來大檀越主請遵漢明永平之化
近同文帝開皇之時一答西域胡者人面
獸心貪逆惡種佛生西方妖魅邪氣者對曰
按史記曆帝王儉目錄及陶隱居年紀等云
庖犧氏蛇身人首大庭氏人身牛頭女媧氏
亦蛇身人頭秦仲衍鳥身人面夏禹生於東
夷文王生於西羌簡狄吞鸞卵而生契伯禹

剖母背而出伊尹託自空桑元氏魏主亦生
夷狄並應天明命或南面稱孤或君臨萬國
雖可生處僻陋形貌鄙麤而各御天威人懷
聖德老子亦託牧母生自下凡何得以所出庸
賤而無聖者乎夫子云君子居之何陋之有信哉
斯言也僉曰有道則尊豈簡高下故知聖應
無方隨機而見尋釋迦文祖祢蓋千代輪
王之孫刹利王之太子期北斯赴物感則形
出三千世界之中央南閻浮提之大國垂教
設方但以利益衆生爲本若言生在羌胡出
自戎虜便爲惡者太昊文命皆非聖人老子
文王不足師敬按地理志西域傳言西胡

者但是葱嶺已東三十六國不關天竺佛生
之地若知而妄說何罪之深若不知浪言死
有餘責

一荅庖犧已下二十九代父子君臣立忠立
孝守道履德稟華夏正氣者對曰史記淮南
衆書等云黃帝時出蚩尤銅頭鐵額作亂天
下與黃帝戰于阪泉以登帝位蚩尤逆命復
戰涿鹿之野凡經五十二載 顓頊時龔公
作亂頭觸不周山天柱折地傾危顓頊又誅
三苗於洞庭又彭蠡汲冢竹書云舜囚堯於
平陽取之帝位今見有囚堯城舜又與三苗戰
於丹水之浦堯上射九日落其烏羽

楚詞十
日出

鍊

石金

繳大鳳於青丘斬脩蛇於洞庭戮封豕
於大澤殺九癭於泗水尚書云洪水滔天壞
山襄陵黎民阻飢百姓昏墊禹時百姓各自
其心而柏谷子退耕於野三苗不脩德政禹
親滅之夏桀之居左河濟右太華伊闕在其
南羊腸背其北焚皇啻殺龍逢囚成湯縱末
喜修政不仁陽殺滅之湯凡九征七十二戰
大旱七年江河枯竭流金爛石高宗伐鬼方
三年殷紂辛迷惑妲己恣十惡之害流五虐
之刑剖賢人之心剝孕婦之腹囚文王禁箕
子周武王伐紂於牧野血流漂杵誅之鹿臺
王親射紂躬懸頭太白之旗而夷齊非之不

食其粟孔子曰武盡美矣未盡善也武王之
世三監作亂成王之日二叔流言宣王六月
出征詩云薄伐獫狁至于太原采薇遣戍役
云北有獫狁之難西有昆夷之患採芑又云
宣王南征對曰上來所道並是三皇已下三
王之時必能守道履德懷忠奉孝介時無佛

皇
石
身
言
先

足可清平何為世世興師兵戈不息至於毒
流百姓殃及無辜乃為姚石慕容永嘉之世
豈名蕩蕩無為之時邪見失言一何謬矣

一答秦仲已下三十五世六百餘年者對曰
史記云自殷已前諸侯不可得而譜為多失
次第年代難知故尚書但以甲子為次第而

無年月者良爲史闕不記也邪見乃始於秦
仲迄于二世有六百餘年者一往似長出何
明證按春秋已前秦本未有春秋已來始有
秦伯當春秋時秦雖漸霸但是周之小邑孝
王之世命非子放馬於汧渭之間不承天命
未有正朔曾孫秦仲宣王之世始受車馬侍
御之臣仲孫襄公以迭平王東遷進爵爲伯
文公已下始見史記自茲訖滅不過二百餘
年史記竹書及陶公年紀皆云秦無曆數周
世倍臣故隱居列之在諸國之下何因得有
年紀續至胡亥史記但從厲公列之一百一
年終乎二世縱有年代皆附春秋自無別記

赦王之末秦昭襄王因周微弱始滅周國僭
号稱王諸史相承秦唯五世四十九年齊秘
書楊玠史目云秦自始封至滅凡三十五世
六百餘年者蓋取始封秦号經六百餘年非
統霸中國經多年也邪見乃延秦短祚冒上
長年一何虛妄哉 一荅帝王無佛則大治
年長有佛則虛政祚短自庖犧已下爰至漢
高二十九世君明臣忠者對曰夫理貴深據
言資寔錄何故庖犧獨治不及子孫堯舜二
君位居五帝堯則翼善傳聖舜則仁盛聖明
如尚書之典論其化民治道功業最高民無
能名則天之明君也堯又廢兄自立其子丹

朱不肖舜則父頑母嚚並止一身不能及嗣
介時無佛何不世世相傳遽遭磨滅隱居年
紀去夏禹治九年羿篡十五年浞篡十二年
夏皋十一年夏發十二年對曰書云舜禹之有
天下巍巍乎其有成功煥煥乎其有文章大
禹謨云禹能卑宮室菲飲食皂帳綈衣而盡
力於溝洫爲民治水於民有功若皇天輔德
何爲天祚不永治止九年 勘年紀去夏后
相及少康之世其臣有窮羿篡浞及風夷淮
夷黃夷斟尋等國並相次作亂凡二十六年
篡夏自立當時無佛篡逆由誰殷湯治十三
年太丁治三年仲壬治四年太甲治十年沃

丁治十三年太戊治十年外壬治三年沃甲
治四年槃庚治九年小辛治七年對曰湯仁
不殺開三面之網放夏桀於鳴條甚有仁德
尔時無佛何以天曆不長太丁外壬其年轉
促尚書云湯行九伐太甲五征伊尹立湯次
子勝又立勝弟仲壬又放太甲于郕宮汲
冢書云伊尹自篡立後太甲潛出親殺伊尹
而用其子既稱忠朴之世尔時無佛何為豐
起蕭牆君臣無道周武王治十一年懿王治
三年絕嗣 僖王治五年絕嗣 項王治六
年 匡王治六年 元王治八年 列王治
七年 靜王治六年 貞王治八年 悼王

治一百一日 哀王治三月 思王治五月

對曰武王伐紂師渡孟津白魚入舟應天嘉

命謚法曰剋定禍亂曰武民賴來蘇軾問封

墓休牛放馬治致太平汝言無佛年長何因

祚短武王治十年懿王僖王更復絕嗣 一荅

佛未出前世無墓逆者對曰何故周列王弟

自 百身言

顯王墓位四十八年悼王立一百一日為庶

弟子朝所害敬王弟哀王治三月思王外哀

王弟治五月思王殺哀王考王復殺思王三王

共立一年 出楊玠史目 陶公年紀 秦五世六君四十九

年昭王五年注滅周後始稱王在位五載孝

文王武一年 襄王楚三年 始皇正三十

七年 胡亥三年

殤帝子嬰四十六日對曰周顯王五年秦穆公
始霸三十四年秦權周政竹書云自秦仲之前
本無年世之紀陶公並云秦是暮居不依德
政次第不在五運之限縱年長遠終非帝王以
短爲長指虛爲實有何意見秦時北築長城備
胡人僞殺扶蘇矯立二世陳勝蟻聚作亂關
東漢時匈奴入塞烽火照甘泉宮南越不賓
乃習水戰漢高祖在位十二年惠帝七年文
帝高祖第四子非嫡武帝本膠東王景帝第
六子非嫡孝景帝時吳楚等七國皆反昭帝
崩立兄子昌邑王即位二十七日凡有一千

一百二十七罪崔光廢之後立宣帝此時無
佛何為乃尔後漢凡十二帝一百九十五年
光武三十三年 孝明十八年 章帝十三
年 和帝十七年 安帝十九年 順帝十
九年 桓帝二十一年 靈帝三十一年
獻帝三十年

對曰後漢書云光武撥亂及正明帝致治昇
平民無百里之憂吏無出門之役麒麟入囿
神鳳栖桐赤雀文龜蒼烏白鹿嘉瑞備臻北
民胥悅垂洟汨磅礴之恩布通天滿泉之澤
論衡等書並云後漢徵祥不慙周夏汝言有
佛祚短何故年長 隱居云自魏黃初元年

至蕭齊之末凡二百八十二歲拓跋元魏十七君合一百七十九年尔時佛來何故年久弈云西域胡旦末國兵三百二十人小苑國兵三百人戎盧國兵三百人渠勒國兵三百人依耐國兵三百五十人郁立師國兵三百三十一人單相國兵三十五人孤胡國兵四十五人凡八國胡兵合有一千八百九十一人皆得紹其王業據其土地自相征伐屠戮人國况今大唐僧尼二十万衆共結胡法足得人心寧可不預備之哉對曰檢漢書西域傳云旦末國小苑等八國並是葱嶺已東漢域胡國計去長安不過万里本非天竺佛生

之地又無僧尼在中謀叛縱彼造惡何關此
僧但奔狂鬼入心外興邪說虛引往事假謗
今賢達者知其浪言愚人必生異見惑亂朝
野深可痛哉 一荅佛來漢地有損無益入
家破家入國破國漢明之世佛法始來者大
唐聖朝正信君子論曰諸佛大人遊涅槃之
妙苑住般若之真空不可以言像求不可以
情慮揆形同法性壽等太虛但應物現身如
水中月所以瞿師見三尺之貌羅漢觀丈六
之容大滿虛空小入絲髮隨緣應質化無常
儀尋釋迦之肇依後漢郊祀晉魏等書及王
儉史錄費長房三寶錄考校普曜本行等經

並云佛是周時第十五主莊王他九年癸巳
之歲四月八日乘栴檀樓閣現白象形從兜
率下降中天竺國迦毗羅城刹利王種淨飯
大王第一夫人摩耶之胎至十年甲午二月
八日夜鬼宿合時於嵐毗園波羅樹下從摩
耶夫人右脇而生放大光明照三千世界瑞

應經云沸星下現侍太子生本行又云虛空
無雲自然而雨左傳云星殞如雨杜氏注解
蓋時無雲然與佛經等符合通儒以爲佛生
時也十九出家三十成道四十九年處世說
法利益天人度脫群品至周匡王四年壬子
二月十五日夜於拘尸城入般涅槃自滅度

已來至今大唐武德五年壬午之歲計得一
千二百二十一歲滅後一百一十六年東天
竺國有阿育王收佛舍利役使鬼兵散起八
萬四千寶塔遍閻浮提我此漢地九州之內
並有寶塔育王起塔之時當此周敬王二十
六年丁未之歲也塔興周世經二十王至秦
始皇三十四年焚燒典籍育王諸塔由此淪
亡佛家經傳靡知所在如釋道安朱士衡等
經錄云始皇之時有外國沙門釋利防等一
十八賢者齎持佛經來化始皇始皇弗從遂
囚禁防等夜有金剛丈六人來破獄出之始
皇驚怖稽首謝焉問曰雖有此說年紀莫知

以何爲證請陳其決也荅曰前漢成帝時都
水使者光祿大夫劉向傳云向博觀史籍備
覽經書每自稱曰余遍尋典策往往見有佛
經及著列仙傳云吾搜檢藏書緬尋太史創
撰列仙圖自黃帝已下六代迄到于今得仙
道者七百餘人向檢虛實定得一百四十六
人又云其七十四人已見佛經矣推劉向言
藏書者蓋是始皇時人間藏書也或云夫子
宅內所藏之書據此而論豈非秦漢已前早
有經佛流行震旦也尋道安所載一十二賢
者亦在七十之數今列仙傳見有七十二人
按文殊師利般泥洹經云佛滅度後四百五

十年文殊至雪山中爲五百仙人宣說十二部經訖還歸本土入于涅槃恒星之瑞即其時也檢地理志西域傳云雪山者即葱嶺也其下三十六國先來秦漢以葱嶺多雪故号雪山文殊往化仙人即其處也詳而驗之劉向所論可爲證矣雖遭秦世焚除漢興復出所以荆揚吳蜀扶風洛陽有寶塔處皆發神瑞具在衆書依檢成帝鴻嘉三年歲在癸卯劉向撰列仙傳明矣故知周世佛法久來生育人云有佛祚短實可悲矣依經律云釋迦正法千年像法千年末法万年五千年已還四衆學者得三達智證四道果末法已去猶披

袞袞勘周書異記云穆王聞西方有佛遂乘
驎騮八駿之馬西行求佛因以禳之據此而
推同齊時上統法師荅高麗使云佛是西周
第十五主昭王二十四年甲寅歲生至武德五
年得一千五百七十七年也信穆王之世法
已東行劉向之言蓋爲明矣又漢武鑿昆明
池得黑炭問東方朔朔云非臣所知可問西
域胡人後外國沙門竺法蘭來因以事問蘭
云是劫燒之餘炭也方朔旣博識通玄生知
俊異無問不酬無言不荅豈容不達逆記胡
人蓋是方朔久知佛法當與勝人必降故有
斯對也佛旣去世阿難揔持一言不失迦葉

結集羅漢千人咸書皮紙並題木葉致令五百中國各共奉持十六大王同時起塔逮于漢世東流二京所經帝王十有六代翻胡梵本爲漢之言相承至今垂六百祀是以佛日再曜起自永平之初經像重興發于開皇之始魏人朱士衡沙門衛道安等並爲紀錄摠

自

石牙言卷一

其華戎道俗合有一百八十二人所譯經律戒論大小乘三藏雜記等凡二千一百七十七部摠有六千四百四十六卷莫不垂甘露於八魔之境流慧日於三有之中汲引將來永傳勝業教人捨惡行善佛法最先益國利人無能及者汝言破家破誰家破國破何國邪

見豎子無角畜生夙結豺心又懷萬毒無絲
髮之善負山岳之辜長惡不悛老而弥篤乃
以生盲之慮忖度聖尊何異尺鷃之笑大鵬
井蛙不信滄海可謂闡提逆種地獄罪人傷
而憫之故爲論也尋夫七十二君三皇五帝
孔丘李老漢地聖賢莫不葬骨三泉橫屍九
壤未有如佛舍利現瑞放光火燒不燃礎槌
不碎於今現在立試可明且據此一條足知
佛法之神德也震旦諸聖孰與爲儔乃欲毀
而滅之事難容忍傷風敗俗虧損福田誑惑
生民汗點朝廷實可歎也

沙門安世高譯一百七十部

沙門鳩摩羅什譯九十八部

沙門衛道安譯二十四部

沙門嚴佛調譯七部

沙門寶唱撰衆經目錄四卷譯一千四百三

十三部

吳人支謙譯一百二十九部

晉人聶承遠譯三部

晉人聶道真譯五十四部

宋人謝靈運譯三十六卷經槃經

北梁安陽侯沮渠京聲譯三十五部

元魏期城郡守楊銜之譯一部

元魏李廓撰衆經錄四百七十部

魏人万天懿譯一部

齊竟陵文宣王蕭子良譯 十七部

齊人常侍庾頡譯一部

梁人木道賢譯一部

梁武帝注大品經五十卷

梁人表曇允撰論抄一部

梁簡文帝法集記一部二百卷

梁記室虞孝敬內要一部

隋人洋川郡守曇法智譯一部

右古來翻經人宋臨川康王義度撰宣驗記

一部又撰幽明錄一部

太原王琰撰冥祥記一部

瑯琊王巾撰僧史

齊竟陵文宣王造三寶記傳一部

齊著作裴子野撰高僧傳

淮南劉俊撰益部寺記

晉中書令郗景興撰東山僧傳

中書陸明霞撰沙門傳

治中張孝秀撰廬山僧傳一部

太原王延秀撰感應傳

吳興朱君台撰徵應傳

晉中書侍郎于寶撰搜神錄

彭澤令陶元亮撰搜神錄

道士陶隱居發菩提心禮佛文

道士陸修靜對沙門記

宋光祿顏延之庭詰文

齊隱士周顒撰立宋二帝論

周儀同甄鸞撰笑道論一部

隋成都費長房撰三寶錄

右古來博通君子識量王公尊敬三寶撰沙

白眉記卷一

門記傳者對曰此等先賢並皆翻譯佛經為

目錄記傳者悉學窮稽古精諳內外信道俗

之白眉為群英之稱首咸遵敬三寶研味一

乘棄世辭榮欽承勝軌邪見朋黨一口不論

一人不說太劇苦剋誹毀酷毒穢言自保螢

輝欲張蚊翼何殊朝菌之知晦朝蟪蛄之暗

春秋信其管窺輕忽大道足令洗耳安可言
乎請付朝官博通君子檢內外典籍明邪見
人謬妄之罪荅言佛法來漢無益世者

對曰按孔子周靈王時生敬王時卒計其在
世七十餘年既是聖人必能匡弼時主何以
十四年中行七十國至宋伐樹至衛削跡在
陳絕糧避桓魋之殺慙喪狗之呼雖歷聘諸
侯莫能見用當春秋之世文武道墜君闇臣
奸禮崩樂壞介時無佛何為逆亂滋甚篡殺
由誰孔子乃婉俛順時逡巡避患雖保妻子
終壽百年亦無取矣或發匏瓜之言或興逝
川之嘆然復遜辭於季氏傷鳳鳥不至河不

出圖及西狩獲麟遂反袂拭面稱吾道窮雖
門徒三千刪詩定禮亦疾歿世而名不稱吾
何以見後世矣遭盜跖之辱被丈人之譏校
而論之足可知矣若以無利於世孔老二聖
其亦病諸何爲訥其木舌而不陳彈也

一谷寺多僧衆妖孽必作如後趙沙門張光
後燕沙門法長南京道蜜魏文孝時法秀太
和時惠仰等並皆反亂者對曰檢崔鴻十六
國春秋並無此色人出何史籍苟生誣枉誑
惑君王請勘國史知其妄奏按前後漢書即
有昆陽常山青泥淶林黑山白馬黃巾赤眉
等數十群賊並是俗人不關釋子如何不論

後漢書云沛人道士張魯母有姿色兼挾鬼道往來劉焉之家焉後爲益州刺史任魯爲都督義司馬魯共別部司馬張修將兵掩殺漢中太守蘇固斷絕斜谷殺漢使者魯旣得漢中又殺張脩而并其衆于時假託神言黃衣當王魯因與張角等相應合集部衆並戴黃巾披道士之服數十萬人賊害天下自據漢中垂三十載後爲曹公所破黃衣始滅介時無一沙門獨饒道士何默不論然漢魏名僧德行者衆益國甚多何以不說但能揚惡專論人短豈是君子乎魏志曰張魯字公期期祖父陵客蜀學道在鵠鳴山中造作道書

以惑百姓從受道者出米五斗世号米賊陵
死子衡傳業衡死魯復傳之陵為天師衡為
嗣師魯為係師自号三師也素與劉焉善焉
死子璋立以魯不順殺魯母及家室魯遂據
漢中以鬼道化民符書章禁為本其來學道
初名鬼卒受道用金帛之物号為祭酒各領
部眾眾多有名治頭有病者令首過大都與
張角相似後漢皇甫嵩傳去鉅鹿張角自稱
大賢郎師奉事黃老行張陵之術用符水呪
言以治病遣弟子八人使於四方以行教化
轉相誑惑十餘年間眾數十萬自青徐幽冀
荆揚兗豫八州之民莫不必應遂置三十六

万方猶將軍之号也大方萬餘人小方六千人訛言蒼天死黃天當立歲在甲子天下大吉以白土書京邑寺門皆作甲子字中平元年三月五日内外俱起皆著道士黃巾或殺人祠天子時賊徒數十萬衆初起潁川作亂天下並為皇甫嵩討滅

南鄭反漢而蜀亡

事在魏書

孫恩習仙而敗晉

事在

晉書道育醮祭因而禍宋

事在宋書

于吉行禁殆以

危吳

事在吳書

公期學仙而誅家

事在陽國志

陳瑞習

道而滅族

事在晉陽春秋

魏華叛夫

事在寶經

序張陵棄

婦

事在陵傳

子登背父衛叔去兄

出神仙傳

右古來道

士破國破家為逆亂者

對曰自陵三世專行鬼道符書章醮出自道家禁厭妖孽妄談吉凶姦由此起然戾魏已下晉宋已來道俗爲妖數亦不少何以獨引衆僧不論儒道二教至如大業末世王充李蜜建德武周梁師都盧明因李軌朱粲唐弼薛舉等亦是俗人曾無釋氏何爲不道事偏理由黨惡嫉賢爲臣不忠明矣 弈云自開闢已來至今武德四年辛巳積二百七十六萬一千一百八歲父子君臣立忠立孝者對曰汝云庖犧氏凡三十世治二萬二百九十七年少昊至漢高有三千二百一年從庖犧至漢高二十九代計之不過二萬三千四百

九十八年何因爰自開闢迄之武德四年頓
有二百七十六萬餘歲耶勘帝系譜去天地
初起狀如鷄子槃古生其中經九万年次三
皇及燧人氏治二万二百九十七年按齊秘
書楊玠史目云伏羲元年甲寅至開皇元年
辛丑有六万一千六百八年摠而言之十一
七萬一千九百五年校此而論太懸殊矣請
勘年紀定其脩短也檢正史所載伏羲氏始
畫八卦陳甲子造書契乃有年世庖犧已前
本無紀曆進退何依 弈云請胡佛邪教退
還西域凡是僧尼悉令歸俗者對曰周莊去
六合之內聖人論而不議六合之外聖人存

而不論老子云域中有四大而道居其一考
詩書禮樂之致但欲攸序彝倫明忠列孝慈
之先意在敬事君父縱稱至德唯是安世治
民假令要道不出移風變俗自衛返魯詎述
解脫之言六府九疇未宜究竟之旨反養生
濟物之談龍圖鳳紀之說亦可懷仁抱信遵
厲鄉之志刪經贊象肆闕里之文次日曰九流
末曰七略按前漢藝文志所紀衆書一万三
千二百六十九卷莫不功在近益但未暢遠
途皆自局於一生之內非迴拔於三世之表
者矣遂使當現因果理涉且而猶昏業報吉
凶義經丘而未曉故知道遙一部猶迷有有

之情道德二篇未入空空之境斯乃六合之
窠塊五常之俗暮詎免四流浩汗爲煩惱之
場六趣誼譁造塵勞之業也原夫實相杳冥
逾要道之要法身疑絕出玄之又玄唯我大
師體斯妙覺二邊頓遣万德俱融不寂不喧
安能以境智求非爽非昧明可以形名取
爲則小而無內處大則大而無垠故能量法
界而興悲揆虛空而立誓所以現生穢土誕
聖王宮示金色之身吐玉毫之相布慈雲於
鷲嶺則火宅炎銷扇慧風於鷄峯則幽途霧
卷行則金蓮捧足坐則寶座承軀出則帝釋
居前入則梵王隨後左輔密迹以滅惡爲功

右彌金剛以長善爲務聲聞菩薩儼若侍臣
八部萬神森然翊衛演涅槃則地現六動說
般若則天雨四花百福莊嚴狀滿月之臨滄
海千光照曜猶聚日之映寶山師子一吼則
外道摧鋒法鼓暫鳴則天魔稽顙是故号佛
爲法王也豈得與衰周迦葉比德爭衡末世

佛

阿彌陀佛

儒童輒相連類者矣是以天上天下獨稱調
御之尊三千大千咸仰慈悲之澤然而理趣
深遠假筌蹄而後悟教門善巧憑師友而方
通統其教也八万四千之藏二諦十地之文
祇園鹿苑之談海殿龍宮之旨玉牒金書之
字七處八會之言莫不垂至道於百王扇玄

風於萬古如語實語不思議也近則安國利
民遠則超凡證聖故能形遍六道教滿十方
實爲世界福田蓋是蒼生歸處於是敬信之
侶猶七曜之環北辰受化之徒如萬川之投
巨海考其神變功業利益天人故無得而名也
既滿恒沙之因故得常樂之果善矣哉不可
測也但以時運未馳遂令梵漢殊感所以西
方先音形之奉東國暫見聞之益及慈雲卷
潤慧日收光乃夢金人於永平之年覩舍利
於赤烏之歲於是漢魏齊梁之政像教勃興
燕秦晉宋已來名僧間出或畫滿月於涼臺
之側表相輪於雍門之外逮河北翻薛漢南

著錄道興三輔信洽九州跨江左而弥殷歷
金陵而轉盛渭水備逍遙之苑廬岳搃波若
之臺深文奧旨發越來儀碩學高僧蟬聯遠
至暨梁武之世三教連衡三乘並鶩雖居紫
極情契汾陽屏酒肉而撤饗人薰戒香而味
法喜忍四流難拔躬以七辯之能將乃輕袞飾
而御深衣捨雕輦而敷草座於時廣創慧臺
之業大啓寶塔之基注梁記云東臺西府在
位八十餘年都邑大寺七百餘所僧尼講衆
常有万人討論內典共遵聖業孜孜無倦各
厭世榮也遂令五都豪族厭冠冕而歸依四
海名家棄榮華而入道自皇王所居之士聲

教所覃之域莫不頂禮迴向五體歸依利物
之深其來久矣孔子垂化安能以競按三十
六國春秋高僧名僧牟子等記傳始後漢明
帝永平十年已來佛法東流政經十代年將
六百其名僧大德世所遵敬者凡二百五十
七人傍出附見者及燕趙王公齊梁卿相等
凡二百五十一人合五百八人陳其行業大
開十例一曰譯經二曰解義三曰神異四曰
習禪五曰明律六曰遺身七曰誦經八曰興
福九曰經師十曰唱導此等高僧皆德効四
依功備三業法傳震且實所賴焉邪見隱而
不論但說三五惡者夫雪山之內本多甘露

亦有毒草大海之中雖有明珠亦饒羅刹喻
崑山缺於片石鄧林損於一枝耳何可為怪
也譯經沙門第一二十五人義學沙門第二九十九人
神異沙門第三二十人習禪沙門第四二十人明
律沙門第五十二人遺身沙門第六十一人誦經
沙門第七二十二人興福沙門第八四十一人經師沙
門第九十一人唱導沙門第十十一人此等沙門或
踰越沙險汎漾洪波皆能委命弘經亡形徇
道或以神力救世或以異迹發人或慧解開
矜或通感適化安禪湛慮則功德如林業行
清高則冰霜弥潔樹興福善則冥衛可祈諷
誦法言則幽顯沾慶於是三藏四含功用遠

廣方等般若取信尤多但神化所該無遠必
屆葱河由跬步之間聲光有見聞之限豈非
時妙也及緣運將感像教遐通或号曰西域
大神或稱爲浮屠之主所以摩騰杖策而來
儀法蘭懷道而降德什師碩學鉤深神鑑奧
遠及遊中土備悉方言受學者三千入室者

自

石牙齋卷下

八俊生融影叡嚴觀恒肇皆領悟前言辭芬
蘭桂執筆承旨任得其人晉有道安擅名當
世質學曷澄傳業慧遠門人日盛世不乏賢
足使陳郡謝安推其神俊襄陽習郁屈我弥
天自晉惠蒙塵懷敏遷播羯胡縱毒殺蕩中
州劉曜篡虐於前石勒僭凶於後華夏分崩

人民塗炭聖師佛曷澄憫傷殺之方始慮刑
害之未央遂設神化於葛陂示懸記於襄鄴
藉秘呪以濟命盡因香氣而拔臨危占鈴映
掌坐定吉凶終令二石發心四民免害澄傳云澄

在漢地二十五年所歷郡縣興立佛寺八百
九十三所年一百一十七歲亡當石氏凶強
虐害無道若不與澄同日孰可言乎及白足臨
百姓危亡得存性命者不可稱紀

刃不傷遺法爲之更始志上分身負戶帝王
以之加信具諸史籍其可詳乎莫不功被將
來傳燈永劫議者僉曰僧乃紹隆聖種佛則
冥衛國家福蔭皇基必無退廢之理者也我
大唐之有天下也應四七之辰安九五之運
扶濟世之德越湯武而獨彰夷凶撥亂之功

逾漢魏而孤顯蕩蕩乎魏魏乎難以榆揚者
矣加以留情佛法降意玄門造像書經度僧
立寺種種功德處處檀那利益華戎汲引黎
庶方欲興上皇之風開正覺之道蔑茲五帝
跨彼三王治致太平永隆淳化上來邪見所
述穢言並是天地之所不容人倫之所同棄
恐塵黷 聖覽不足可觀伏惟 陛下布含
弘之恩垂鞠育之惠乞審其逆順議以眞虛
涅槃經云佛滅度後法付國王 陛下君臨
正當付囑伏願杜其邪說使像教興行博雅
君子四海通人聞之乃共扼腕拍掌盱衡而
作論云余孟子有言曰余豈好辨哉予不得

已也夫虛妄顯於真實錄亂於偽世人不悟
是非不定朱紫雜廁瓦玉參糅糠米以情言
之豈予心所能忍也孔子曰詩人疾之不能
默丘疾之不能伏是以論也夫玉亂於石人
不能別是反爲非虛轉爲實安能不言乎考
王者之降靈也或流星貫月或長虹繞電或
赤雀銜書或素靈夜哭帶龍雲之氣含竒異
之像皆有天命非由人也或問曰何周通其
曆秦不及期荅曰夫眞理難知人情易惑校
其指歸略詳之矣何者昔宋景修德守心便
退丁蘭篤孝木母舒顏但使專精嘉祥可致
必能潔已灾禍自亡信哉斯言也觀夫文武

成康之世治道隆平蓋積善所資福鍾來葉
所以通曆也始皇在位焚書坑儒酷毒天下
逮于二世誅戮更甚生民寒心手足無措上
天降禍故不及斯也易曰不善之家必有餘
殃此之謂矣故知興滅之理非關力能咸稟
先因頗由行善信爲明證也近如周武錯見
毀寺廢僧不盈幾時後嗣磨滅竊見隋文皇
帝初生即有神尼撫養後爲實禪師觀見當
爲霸王及其即位普興佛法大度僧尼四部
誅誅三學濟濟安心行道以報國恩登即漸
息干戈日就豐樂嘉祥靈應史不絕書四海
晏安六合同慶後封禪岱嶽世致太平至煬

帝屏除寺塔流擯僧尼繕造奢華万事過度
天垂海水親自征行禍及無辜殃鍾身世見
前可驗何待將來論衡云俗儒好長古而短
今言瑞則渥前而薄後不非古之虛美而責
今之實論信久遠之僞詞忽近今之實事不
知指馬之妄而競儒墨之談膏肓之病固難

自

石牙詩卷下

治矣觀夫釋氏之爲教也大矣哉包羅三世
囊括四流方万像之烈太空譬八河之歸滄
海至乎博尋子史覽覽經誥六宗七廟之典
五玉四望之儀丹笥金版之文名山石室之
記玉檢芝泥之冊雲臺麟閣之書清分濁泮
已來鳥跡書契之後赫胥栗陸之曠天皇人

帝之前斗杓之所攜臨輪烏之所暉浸地輿
迴邈天角遼長補螯折柱之靈刊山剗海之
異立功立德之道一陰一陽之言禾黍藥石
之所基衣裳宮室之所肇恭玄祀黃之典五
禮六樂之制勛指華讓之則湯征武伐之威
金滕零而之翁泣麟傷鳳之叟莫不事極寰
中而理盡域內者也豈知上界縈二死之患
下方抱三塗之憂苦海漂淪愛河綿遠是以
大悲出世導彼生盲開八正之門闢五乘之
路宣忍服戒珠之旨啓優波木叉之規遂使
體施飛禽軀投野獸列國都城方之脫屣嬌
娥瞋臉棄似遺塵正欲去此四虵息茲八苦

永斷生老病死無復怨會愛離一罷受形長
辭毒器況復乘雲寶殿号曰天宮帶地珍臺
稱爲淨國八行玉樹四照金樓百味香餐三
銖軟服動足飛去無煩列子之風妙樂騰聲
詎勞蕭史之吹故知花棖碧璫暫暉於地府
瑯枝珠蘂失彩於天津矣夫釋迦者譯云能
仁言德充道備堪濟万物也然法身二義一
曰真實二謂權應真身謂至極之體妙絕拘
累不得以方處期不可以形量限有感期應
體常湛然應身者積劫行因億生求果和光
六道同塵万類生滅隨時脩短爲物形由感
生體非實有權形雖謝法體不遷但時無妙

感故莫得常見也。世說曰魯人尚不貴東
家丘邪見豈信有西方佛根深難拔悲夫惑
者問曰豈其然耶請喻斯指論者對曰子不
聞乎夫瞽者無以與乎文章之觀聾者無以
與乎鍾鼓之聲蓋知十惡波浪易動心源万
善枝條難抽意樹良以凡夫顛倒渴愛所燒
妄想攀緣身心放逸激五欲浪漂二死河常
在黑闇崖下無明波底長夜睡眠處於夢宅
莫醒迴天之醉詎知迷亂之色昏昏永劫役
役偷生乃復隨逐邪師親近惡友咆哮狂象
放恣心猿起六十二之見山沉九十八之使
海耽酒行廁戀著盡餅扇八魔風吹三毒火

縱六入賊盜五陰城不憂二鼠之危恒興四
蛇之怒信其牛羊之眼發其梟獍之凶於是
立我慢幢聲自大鼓翻覆毀譽之口誇代儒
默之談反表為裏顛裳為衣破俗傷真鬪朋
亂友凌辱三寶欺侮二親輕忽冥祇呵罵風
雨與鬼神為讎隙與骨肉為怨憎自矜自高
不仁不孝恃其管見愚謂指南何異蚍蜉之
甘臭帶鷄鴉之嗜腐鼠以毒為美深可畏哉
靡慮將來之辜不愁地獄之報嗟乎肆一言
之禍招万劫之殃致使沉滯幽陰淪歷惡道
入銅狗銅蛇之網居八寒八熱之城鋸解磴
磨爐燒鑊煮餐灰食火噉雪吞冰處處焦然

心心苦楚百骸九竅撩亂刀鋒五截四肢紛披劍鏑所以然者皆由撥無因果謗出世間破和合僧不信正法邪見根深之所致也況復捨身受身常縈三界從獄入獄不離三塗大聖觀已興悲至人爲之流慟故知善惡之理如響應聲報施之徵似形逐影可不慎與

良

列牙言者

可不慎歟

詔去棄父母之鬚髮去君臣之章服利在何間之中益在何情之外損益二宜請動妙釋法琳聞至道絕言豈九流能辯法身無像非十翼所詮但以四趣浩浩漂淪欲海三界蠢蠢顛墜邪山諸子迷以自焚凡夫溺而不出

大聖爲之興世至仁所以降靈遂開解脫之
門示以安隱之路於是刹利王種辭恩愛而
出家天竺貴遊厭榮華而入道是以悉達太
子去袞龍之衣就福田之服誓出二種生死
志求一妙涅槃弘道以報四恩育德以資三
有此其利益也按佛本行經剃髮出家品偈曰
假使恩愛久共處
見此無常須臾間
時至命盡會別離
是故我今求解脫

於後慕其德者斷惡以立身欽其風者潔已
而修善毀形以成其志故棄鬢髮美容變俗
以會其真故去君臣華服雖形闕奉親而內
懷其孝禮乖事主而心戢其恩澤被怨親以

成大順福沾幽顯豈拘小違上智之人依佛
語故為益下凡之類違聖教故為損懲惡則
濫者自新進善則通人感化伏惟 陛下至
德含弘仁心鞠育爰復降情正法留意出家
廣布慈雲重興佛日利益之道難得而稱此
即大唐帝業慈被百靈聖種洪基惠流千祀
不敢輒以愚意輕測天心謹課庸詞略伸管
見塵黷御覽伏深戰越謹對

破邪論卷下

既

妖魅

下眉反

虐政

上魚反暴

却祚

上才反

慕逆

上患反

初反

奪女媧

下音瓜

伏羲皇妹也

西羌

下苦反

簡狄

下徒反

嚳

自石牙言

伯上音薛 辛之子也 高僻陋亦反 牧母上音目

人僉曰 反皆也 廉祖祢祖廟也 礼反 太昊道下胡 蚩

尤神上尺 之反也 版泉上音 涿鹿名上音 卓地

顛頊許上音 專反 下 龔恭上音 彭蚕礼下音 汲冢急上音

鑠石若上詩 反 繳繫音 酌以繩 九瘦領下 一 涵水凶上音

也勢湧滔天音 昏墊也下音 店昏霧 姐已達上 反丁水

紂之美剗音 枯漂杵具上 非此妙反 下昌呂反 春

傍謂牌也 血流也 獫狁音 尹險儼二音 下 戍役音 侍上

注反 沂渭並牽謂二音 赧王反上 周女末板

也 僭号反上 子念玠反彼巾 不肖謂下音 笑似也 母

囂頑下音 銀也 遽其預反 羿墓初患反 奪也 前下 促

助古角反 塞夏率亦下音 高煖呼貫反 菲薄也 反

綈衣上音題 溝洫上音 倖王上音 悼王上音 邱宮上音

同豐許近也 豸王字上 倖王上音 悼王上音

軾問上音式 殤音傷 矯居小 非嫡正也

膠東郡名 拓跋末上 鹿麟音瑞

也囿音右 沕汨上音 小宛下音 依耐下音 單音 磅礪音

相上音 揆求也 嵐毗上音 星殞下音

誤創楚狀 荆陽京上 驊騮華留 攘之

上而羊也 高麗下音 鑿音 隼異

豎子童子也 薑毒上音 俊七全

尺鷃小雀也 大鵬里下 九壤反土 礎上音 槌上音

墓反也 憫之上音 九壤反土 礎上音 槌上音

墓反也 憫之上音 九壤反土 礎上音 槌上音

下直追反聶辰輒沮渠上子徐反楊銜下音

正作鎚反聶辰輒沮渠上子徐反楊銜下音

顯愚恭甄鸞真音諳烏含反酷毒上苦篤反

朝菌上名知遙反下具殞反一劇奇逆反螻蛄

惠姑二音桓雅上惠官反下徒回反應躬去

小蟬併腕晚宛免府就強為之貞作逡巡

有牙部卷下

二二

旬七匏瓜上步交反孔日吾豈匏反袂

下弥祭反刪詩間反盜跖之賊人古訥奴骨

也妖孽下魚列反草木謂謠之推謂之誣枉

上音無下紆往沛人帶反挾胡枯都督下音

也正也鉅鹿澤音巨山充豫以上

預並州名殆待音禁厭檢反一系譜音補同前

杜其反上徒戶扼腕反上於隔反下烏貫指堂

側擊也抵盱衡反上火于舉目而視雜廁使反初

無措故下七隋文隨音洗洗衆多自濟濟禮子

反也衆封禪天告本也祭岱嶽下岳字煬帝余

向反隋流擯下必刃反一繕反時扇渥前上於

厚也膏育高荒二音病在心上萬下經誥音下

告濁泮判下音斗杓斗柄星名反北搗指許為反補

鼇巨下吾高反刊山反一苦寒剗海眼反初勛捐

上音勳堯名也下金滕反封也脫屣反下所綺

塵俗如脫三銖下音殊二十花檠於可反碧璫

下反玉也郎瑯枝上音郎瞽者音古咆嘞交反步

下反蒲也航緬米展反貪也下行廁人下身初使去反謂

反

行 畫屏

下音瓶

梟獍

上古音

鏡

反伯勞

獸也

此母也

類 畜也

欺侮

下音武

讎

上音

怨也

自矜

此一

之 居陵

反 矜

螂蛆

徐反

節二

音下

臭帶

地之一

自 呼也

莊子

鴉

鴉字

同用

烏

也

磴磨

上 吾對

反 九

竅

下苦

撩亂

上郎

劔

下

各 反

山 縈

紆營

流

下音

謂也

蠢

尺類

戢

荷恩也

懲惡

誠也

懔

字慧



